

Богослужение Царской Православной Церкви
17 ДЕКАБРЯ: Великомученицы Варвары
и преподобного отца нашего Иоанна Дамаскина.

Вечером 16 декабря

Изменяемое №1

На Господи воззвах:

Стѹх: *Изведѹ из темницы дѹшу мою, исповѣдаться ѹмени Твоемѹ.*

Стѹх: *Менѣ ждѹт праведницы, дондеже воздаси мнѣ.*

Стѹх: *Из глубины воззвах к Тебѣ, Господи, Господи, услыши глас мой.*

Стѹх: *Да бѹдут ѹши Твоѹ внѣмлюще гласу молѣния моего.*

Стѹх: *Аще беззаконія назриши, Господи, Господи, кто постоит; яко у Тебѣ очищѣние естъ.*

Глас 2. **Егда на судищи страшнем/ Иулианія зрящи всеблаженная/ мученицу славную Варвару,/ ранами страждущу,/ мѹками же различными тѣло все ссецаемо,/ теплыми слезами вопіяше:/ Словѣ Божий,/ сея общницу мя бѹти ныне сподоби, Человеколюбче.**

Стѹх: *Имене ради Твоего потерпѣх Тя, Господи, потерпѣ дѹшѹ моя в слово Твое, уповѹ дѹшѹ моя на Господа.*

Един Варвара истинно и Иулианія/ нрав к благочестию имѹще святѹю,/ подвижася на врага и победивше того крепко,/ славы сподобилася от Христа Бога./ Темже губительных страстей вред потребивше,/ всем верным подаѹт врачеванія.

Стѹх: *От стражи ѹтренняя до нощи, от стражи ѹтренняя, да уповает Израиль на Господа.*

Егда изречѣся на тя, мученице/ честнѣйшая Варваро,/ сладкая смерть,/ радуящися и спешѹщи, течѣние совершила еси;/ нечестиваго же родителя руками пребеззаконными пожерлася/ и плод Богу принеслася еси./ Темже, с мѹдыми дѣвами истинно ликѹючи, зриши Христа,/ Жениха Твоего, осияние.

Стѹх: *Яко у Господа милость, и многое у Него избавление, и Той избавит Израиль от всех беззаконий его.*

Глас 8. **Отче Иоанне всемѹдре,/ Церковь Христовѹ уяснил еси пѣсньми,/ Божественнейшая сладкопоя, всеславне,/ дѣйством, отче,**

дúха,/ твою цевницу ударяя,/ всеслúчной Давíдове подóбся,/ ёюже
возглашáя,/ Божéственными пёсньми вся привлéкл есí.

Стúх: Хвалíte Гóспода всú языцы, похвалíte Егó всú лю́дие.

О́тче Иоáнне сла́вне,/ мирскíя отстúплъ мятéжныя молвы́,/ ко
Христóве притéкл есí тишинé, преподóбне,/ и видéнии
Божéственными и дея́нии,/ всебогáтыми я́ве светлостьмí/ íстинно
обога́тился есí,/ и вёрным препóдал есí,/ Боголéпным сия́я житиём,
блажéннейше.

Стúх: Я́ко утвердúся мíлость Егó на нас, и úстина Господня пребывáет во вéк.

Приидíte, земнорóднии,/ пёсньми свящённое и чéстное/
преподóбнаго торжествó Иоáнна/ днесь благочéстно воспойм:/ сей
бо íстинно Божéственного осия́ния/ сподóбися Свет при́яти./ О,
неизречéннаго Твоегó благоутрóбия, Гóсподи,/ íмже мы позна́хом/
сла́вити Тя, Преплага́го.

Сла́ва, глас 6: Отéчество, род, имéние оста́вивши, Варва́ро,/ и
нечестíваго отцá возненавíдевши,/ Бо́га возлю́била есí,/ ему́же
уневéстилася есí/ и была́ есí великоку́пница наречена́,/ тогó моли́
спасти́ся душáм нáшим.

И ны́не, Богорóдичен: Божéственная скíния была́ есí Сло́ва,/ еди́на
Пречíстая Мáти Дéво, чистото́ю А́нгелы превозше́дшая;/ па́че всех
менé, персть бýвша,/ осквернёна плотскíми прегрешéньми,/ очíсти
моли́тв Твои́х Божéственными вода́ми,/ подаю́щи, Чíстая, вéлию
мíлость.

<далее см. основной Чин>

Изменяемое №2

Прокíмен после «Свёте тíхий»: *См. Прокимен дня <далее см. основной Чин>*

Изменяемое №3

Паримии:

Пророчества Исаина чтение:

Тако глаголет Господь: вси языцы собращася вкупе, и соберутся
князи от них. Кто возвестит сия в них? Или яже от начала, кто
слышана сотворит вам? Да приведут свидетели своя и оправдятся,
и да услышат, и да рекут истину. Будите Ми свидетели, и Аз
Свидетель, глаголет Господь Бог, и отрок, егоже избрах, да познаете
и веруете Ми, и разумеете, яко Аз есмь, прежде Мене не бысть ин

бог и по Мне не будет. Аз есмь Бог и несть, разве Мене, спасаяй. Аз возвестих и спасох, уничижих и не бе в вас чуждий. Вы Мне свидетели, и Аз Господь Бог, и еще от начала Аз есмь, и несть от рук Моих избавляяй. Сотворю и кто отвратит то? Сице глаголет Господь Бог, избавляяй вас, Святый Израилев.

Премудрости Соломони чтение:

Праведных души в руце Божией, и не прикоснется их мука. Непщевани быша во очесех безумных умерети, и вменися озлобление исход их. И еже от нас шествие сокрушение, они же суть в мире. Ибо пред лицом человеческим, аще и муку примут, упование их бессмертия исполнено. И в мале наказани бывше, великими благодетельствовани будут: яко Бог искуси я, и обрете их достойны Себе. Яко злато в горниле искуси их: и яко всеплодие жертвенное прият я. И во время посещения их возсияют, и яко искры по стеблию потекут. Судят языком и обладают людьми, и воцарится Господь в них во веки. Надеющиися Нань разумеют истину, и вернии в любви пребудут Ему. Яко благодать и милость в преподобных Его, и посещение во избранных Его.

Премудрости Соломони чтение:

Праведницы во веки живут, и в Господе мзда их, попечение их у Вышняго. Сего ради примут царствие благолепия, и венец доброты от руки Господни: зане десницею покрывает я, и мышцею защитит их. Приимет всеоружие рвение Свое, и вооружит тварь в месть врагом. Облечется в броня правды, и возложит шлем, суд нелицемерен. Приимет щит непобедимый, преподобие: поострит же напрасный гнев оружие: споборет же с Ним мир на безумных. Пойдут праволучныя стрелы молниины, и яко от благокругла лука облаков, на намерение полетят. И от каменометных ярости, исполнь падут грады. Вознегодует на них вода морская, реки же потопят я нагло. Сопротив станет им дух силы, и яко вихор развеет их: и опустошит всю землю беззаконие, и злодейство превратит престолы сильных. Слышите убо царие и разумеите, навыйкните судии концев земли. Внушите держащи множества, и гордящиися о народах язык. Яко дана есть от Господа держава вам, и сила от Вышняго.

Лития глас 1:

Красуйся и веселися граде Кіеве,/ радуйся и светло торжествуй,
Церковь Божия./ Се бо в тебе сокровище Божественных даров
неоскудное явися:/ рака святых мощей великомученицы Варвары,
от них же истекают верным исцеления/ и подаётся благодать/ верно
приходящим и чтущим любовь/ святую память её.

Яко сокровище многоценное,/ стяжавши Церковь Российская твоя
всесвятых мощи,/ Варваро преславная,/ праздник честный днесь
совершает/ и тебе светло вопиет:/ радуйся, Варваро
многострадальная,/ радуйся, девства вѣссом/ и мучения порфирю
украшенная,/ радуйся, Христови уневестившаяся,/ и с Ним
царствующая,/ и молящаяся о душах наших.

Глас 2: Приидите, девство чтущии вси/ и чистоты ревнителие,/ в
нароচিতый день/ всехвальныя девы мученицы Варвары/
торжественный праздник составим/ и в пѣснях воспоем:/ дивен есть
во святых Бог Израилев,/ прославивый на земли святую Свою деву
Варвару/ и мученическою диадимой венчавый ю./ Темже от
губительных смертей избавляет/ верою призывающих её имя/ и
подаёт велию милость.

Ангельскую добродетель возлюбивши,/ чистоту Жениху – Христу –
нескверну сохранила еси,/ Варваро всечестная./ Тем и по смерти
честное тело твоё,/ нетленно сохранённое,/ во Архангельском храме
положено быти сподобися,/ источник исцелений на всякия страсти
притекающим источающее./ Ты же, со Ангелы сликовствующи,/ мир
верным всем испроси/ и душам нашим велию милость.

Слава, глас 6: Весело ныне к торжеству Богомудрая Варвары/
стѣкшеся, о мучениколюбцы,/ сию похвалами, яко цветы, украсим:/
радуйся, вопиюще,/ со дерзновением Бога в Троице Единого
проповѣдавшая/ и безбожие отеческое обличившая./ Радуйся, отца и
отечество возненавидевшая,/ и любви ради Христовы плоть ранам
вдавшая,/ и смерть паче изволившая./ Радуйся, Горняя обители
возмездие болезнем восприимшая/ и со Христом царствующая./

его́же и приле́жно моли́/ от вся́кого обстоя́ния и губи́тельныя сме́рти/ и от враго́в нахожде́ния/ град сей и лю́ди невреди́мы сохра́нити/ и спасти́ ду́ши на́ша.

И ны́не, Богоро́дичен: Богоро́дице, Ты еси́ лоза́ и́стинная,/ возрасти́вшая нам Плод живо́та,/ Тебе́ мо́лимся, моли́ся, Влады́чице, со святы́ми апо́столы/ поми́ловати ду́ши на́ша.

<далее см. основной Чин>

Изменяемое №5

По полиеле́и седа́лен глас 6:

Благода́ть чуде́с получи́вши,/ пода́еши исцеле́ния в ну́ждах и избавля́еши вся челове́ки па́губных недúгов вся́ких./ Те́мже, к тво́ему хра́му притека́юще, воспева́ем твою́ па́мь, зову́ще:/ исхити́ рабы́ тво́я от па́губных неможе́ний,/ де́во му́ченице Варва́ро,/ к Бо́гу моли́твами тво́ими.

Сла́ва, и ны́не, Богоро́дичен: Богоро́дице Де́во, моли́ Сы́на Твоего́,/ во́лею пригвожде́ннаго на Кресте́/ и воскресе́шаго из ме́ртвых, Христа́ Бо́га на́шего,/ спасти́ся ду́шам на́шим.

<далее см. основной Чин>

Изменяемое №6

Степе́нна 1-й антифо́н 4-го гла́са.

Прокі́мен глас 4: Ді́вен Бог во святы́х Свои́х,/ Бог Изра́илев. *Стих:* В це́рквах благослови́те Бо́га, Го́спода от исто́чник Изра́илевых.

<далее см. основной Чин>

Изменяемое №7

По 50-м псалме́ стихі́ра глас 6:

Отечество, род и и́мение оста́вивши, Варва́ро,/ и нечесті́ваго отца́ возненави́девши,/ Бо́га возлюби́ла еси́,/ е́муже уневе́стилася еси́,/ и была́ еси́ вели́комученица нарече́на./ Того́ моли́ спасти́ся ду́шам на́шим.

<далее см. основной Чин>

Изменяемое №8

Кано́н святы́я вели́комученицы глас 2.

Песнь 1

Ирмо́с: Во глубине́ постла́ иногда́/ фарао́нитское всево́инство преору́же́нная си́ла,/ вопло́щенное же Сло́во всезло́бный грех потреби́ло есть:/ препросла́вленный Го́сподь сла́вно бо просла́вися.

О Троице Пребожественная Честная!// Яже паче ума дарование
Твоим рабom подаючи,/ светоносную вдохни мрачному моему уму
лучу/ твою похвалити мученицу Варвару приснопамятную.

Похвалений всяк предел воистинну превзыде/ Твоих мученик
слава, Человеколюбче;/ но, еже от веры по силе прием хваление,/
возниспосли, Владыко, богато воздаяние.

От тернового корене израсте шипок краснейший,/ Церковь
Христову облаговонстви,/ и червлением страдания обagrившися
кровию славная Варвара,/ юже достойно воспоем.

Ин канон святых великомученицы *глас 8.*

Песнь 1

Ирмос: Воду прошед, яко сушу,/ и египетскаго зла избежав,/ израильтянин,
вопиаше:/ Избавителю и Богу нашему поим.

Воду нечестия тименну оставивши,/ к воде очистительной притекла
еси, Варваро,/ и наша очисти сердца, чисто пети твоя страдания.

Водою Крещения очистившися, великомученице,/ Чистому Жениху,
Христу, прилепилася еси,/ емуже и нас чисто присвой молитвами
твоими.

В воде потопльшему змия лукаваго подобящися,/ кровию твоею
страдальческою вражью погрузила еси силу, страстносице,/ от
негоже и нам избавится Спаса умоли.

Богородичен: Воду слез очищающую, Пречистая, подаждь ми/ и,
очистивши мя от кала беззаконий,/ чиста представи,
Богородительнице, Сыну Твоему и Богу.

Ин канон преподобного *глас и ирмосы первого канона.*

Песнь 1

Твоя похвалы начать хотящу ми,/ подаждь твой ныне глас
медоточный, преподобне,/ имже православную уяснил еси Церковь
песнями, отче Иоанне,/ яже твою почитает память.

Яко мудр и остроумен судия,/ изряднейше сущих естество
смотря,/ нестоящих предразсудил еси вечнующая:/
привременными бо изменил еси пребывающая, отче Иоанне,/ идеже
ты и ныне Христос прослави.

Богорóдичен: Превы́шши яв́илася ес́и, Чы́стая, вся́кия тва́ри,/ в́идимыя же и нев́идимыя, Присноде́во:/ Зижди́теля бо родила́ ес́и,/ я́коже благоволи́ воплоти́тися во утробе́ Твоей,/ егóже со дерзнове́нием моли́ спасти́ пою́щия Тя.

Песнь 3

Ирмо́с: *Процвела́ есть пусты́ня, я́ко крин, Го́споди,/ язы́ческая неплодя́щая, Це́рковь пришестви́ем Твои́м,/ в не́йже утверди́ся моё се́рдце.*

Уязвляема́ любóвию Тво́ею, я́ко женихо́вою, Влады́ко,/ неодéржным стремлénи́ем страстоте́рпица Варва́ра/ все оте́ческое безбо́жие возненави́де.

Ни сла́дости красота́, ни цвет добрóты, ни бога́тство же,/ ни сла́дости ю́ностныя услади́ша тя, Варва́ро сла́вная,/ Христу́ уневе́стившуюся, до́брая де́во.

К соверше́нным подвиго́м ничто́же яви́ся возбу́ждение не́мощи же́нстей,/ ни ю́ность во́зраста, Христé:/ нев́идимую бо Тво́ею си́лою укрепля́ема.

Ин святы́я

Ирмо́с: *Небе́снаго крúга Верхотво́рче, Го́споди,/ и Це́ркве Зижди́телю,/ Ты мене́ утверди́ в любви́ Твое́й,/ желáний кра́ю, ве́рных утвержде́ние,/ Еди́не Человеколю́бче.*

Небе́снаго крúга смотре́ющи украше́ние, му́драя де́во Варва́ро,/ Верхотво́рца позна́ла ес́и,/ егóже и возлю́бльши, тому́ служи́ти изво́лила ес́и./ И нас в любви́ егó утверди́, мо́лимся.

Небе́снаго Творца́ в Тро́ице пресве́тлое изобразу́ющи естество́,/ три окна́ в ба́не оте́честей изобрази́ти повеле́ла ес́и,/ Тро́ическому покланя́тися уча́щи Бо́жеству,/ ему́же и нас ве́чно покланя́тися сподо́би.

Небе́снаго черто́га жела́ющи,/ Небе́сному Жениху́ чистоту́ де́вства твоегó соблю́ла ес́и, вре́меннаго презре́вши./ И мене́ в чистоте́ тому́ служи́ти, му́ченице, укрепи́.

Богорóдичен: Небе́снаго Творца́, Богорóдице Всепéтая, поро́ждши,/ Небе́с пространнейша́ яв́илася ес́и./ Мене́ от пространна́го пути́ погíбельна уклóнши, на Небе́сный путь наста́ви, молю́ся.

Преподо́бнаго:

Расточил еси богатство, Богу взаим дая,/ темже тебе на Небесех уготовася Царство;/ но и ныне воздаяние, Иоанне, принял еси многократное.

Премудрости талант прием,/ деяньми украшая, уяснил еси, Иоанне, Церковь Христову,/ егоже многоусугубляеши, и житие оставив.

Богородичен: Чини удивишася Ангельстии, Пречистая,/ и человеческая устрашишася сердца о Рождестве Твоём./ Темже Тя, Богородицу, верою чтим.

Кондак преподобного, глас 4: Песнопisca и честнаго Богоглагольника,/ Церкви наказателя и учителя/ и врагов сопротивоборца Иоанна воспойм:/ оружие бо взем – Крест Господень,/ всю отрази ересей прелесты/ и яко тёплый предста́тель к Богу/ всем подаёт прегрешений прощение.

Икос: Церковному наставнику, и учителю, и жерцу,/ яко тайннику неизглаголаных, возопием согласно:/ иже к Богу твоими молитвами отверзи уста наша/ и сподоби глаголати словеса учений твоих,/ ты бо Троице явился еси сопричастник,/ яко другое солнце облистая в мире,/ чудесы и учении просияв, яко Моисей,/ в законе Господни поучался всегда,/ словом и делом был еси светильник/ и моля непрестанно всем подати прегрешений прощение.

Седален, глас 3: В страдании твоём вся удивила еси,/ яко претерпевши мучителей раны,/ вязания, муки и темницы, Варваро прехвальная./ Темже и венец с Небес тебе даде Христос,/ к Немуже, возжелевши усердно, притекла еси;/ Той благодать подаде тебе, мученице,/ врачевания источати человеком.

Слава, преподобного: Труба благогласна освящена, священнейше, нам явился еси,/ песнопойщи образно учения Господа и Спаса концём,/ и твоими словесы мир просветил еси, Иоанне преподобне,/ Христа Бога моли даровати нам велию милость.

И ныне, Богородичен: Божественная скиния была еси Слова,/ еди́на Пречистая Мати Дево, чистотою Ангелы превозшедшая;/ паче всех менё, персть бывша,/ осквернена плотскими прегрешеньми,/ очисти

моли́тв Твои́х Божественными вода́ми,/ пода́ющи, Чи́стая, ве́лию ми́лость.

Песнь 4

Ирмо́с: Прише́л еси́ от Де́вы не ходата́й, ни А́нгел,/ но Сам, Го́споди, вопло́щся,/ и спасл еси́ все́го мя, челове́ка./ Тем зову́ Ти: сла́ва си́ле Твое́й, Го́споди.

Из Де́вы рождся,/ дарова́л еси́ отрокови́цам де́вам киче́ние низложи́ти льсти́ваго;/ те́мже добропобе́дная Варва́ра сегó го́рдыни поруга́ся.

Прамáти, хитро́стьми́ льсти́ваго прельсти́вшись пёрвее,/ пи́щи изгна́на бысть ра́йския;/ Варва́ра же, се́му поруга́вшись,/ в Небе́сном черто́зе ны́не водворя́ется.

Кресто́м Твои́м сме́рти си́лу разори́л еси́;/ те́мже, телесе́ отрокови́ца, Христé, не пощаде́вши,/ терпи́т до́блественнейше ра́ны Варва́ра/ твёрдым умо́м.

Ин святы́я

Ирмо́с: Услы́шах, Го́споди,/ смотре́ния Твоего́ та́инство,/ разуме́х дела́ Твоя́/ и просла́вих Твое́ Божество́.

Услы́шавши, Варва́ро, небеса́, пове́дающа сла́ву Бо́жию,/ на земли́ Бо́га сла́вити возжелáла еси́,/ егóже сла́вы и нас сподо́би.

Услы́шав о́тец твой тебе́, Вы́шняго Отца́ испове́дующую,/ гоня́ше на уби́ение,/ но не возмо́же отто́ргнута от и́стиннаго Бо́га.

Услы́шавши преще́ния оте́ческая/ и му́ки от него́ терпя́щи, Варва́ро,/ непоколебíма пребыла́ еси́/ и мене́ непоколебíма в добродете́лех упра́ви.

Богоро́дичен: Услы́ши, Пречи́стая Влады́чице, моле́ние моё,/ и изба́ви мя от зол,/ и глас благослове́нных, призыва́ющий в Ца́рство, слы́шати удосто́й.

Преподо́бнаго:

Повеле́нию Христову́ повину́вся, оста́вил еси́ мирску́ю красоту́,/ бога́тство, сла́дость, све́тлость,/ егóже ра́ди, взял твой крест,/ последовал еси́, Иоáнне му́дре.

Сообнища́в обнища́вшему Христу́ челове́ческаго ра́ди спасе́ния,/ просла́вился еси́, я́коже Той обеща́ся,/ и сца́рствуеши же присноца́рствующему, Иоáнне.

Богорóдичен: Тя, пристáнище спасéния и стéну необорíму,/ Богорóдице Влады́чице, вси вёрнии вéмы:/ Ты бо моли́твами Твои́ми от бед избавля́еши ду́ши на́ша.

Песнь 5

Ирмо́с: *Хода́тай Бо́гу и челове́ком был еси́, Христé Бо́же:/ Тобо́ю бо, Влады́ко, к Светонача́льнику, Отцу́ Твоему́,/ от но́щи неведéния/ приведéние íмамы.*

Око́нцы тремí бáни просвещáтися повелéвши,/ та́инственно написáла еси́ крещéние, Варвáро,/ Трóичным свéтом ду́ши светонóсное сущéе очищéние.

Сущáго Бо́га разжéгшися рéвностию,/ лжеимéнных богов скверна́вая оплевá лица Варвáра всехва́льная,/ ругáющися отрокови́ца внéшнему́ миродéржцу.

Нействовства лю́таго óтча уклóншуюся Варвáру,/ разстúпльшися, áбие горá прият,/ я́коже дрéвле приснопáмятную первомúченицу Фéклу,/ Христу́ чудодéйствовавшу.

Ин святы́я

Ирмо́с: *Просветí нас повелéнии Твои́ми, Гóсподи,/ и мýщицею Твое́ю высóкою/ Твой мир подáждь нам,/ Человеколю́бче.*

Просветíвши свещú свою́, мýченице, вéрою,/ свещáми опалíти тéло твоé преда́ла еси́,/ в чертóг Небéсный свéтло вни́ти желáючи.

Просвещáхуся вéрою неvéрием омрачéнии лю́дие,/ вíдяще тя, жжéния, биéния,/ рéзания терпя́щую до́блественне, мýченице.

Просветí мя, о Варвáро, омрачéннаго мглою грехóвною,/ и Свéтом Невечéрним осиявáтися, свéтлая дéво, молю́ся, сотвори́.

Богорóдичен: Просветíла еси́ потемнённое естество́, Богорóдице,/ Свет íстинный рóждши./ Тёмже и менé, свéтом просветíвши,/ от мра́чных враг свободí.

Преподо́бнаго:

Стра́хом Христóвым, óтче, утвержда́емь к Божéственной жízни,/ плотскóе мудровáние все покорíл еси́ дýху,/ тво́я, Иоáнне, чýства óчища́я.

Очи́стив вся́кия сквёрны тéло,/ и ум, и ду́шу тщали́во, Богомúдре,/ зарю́ прия́л еси́ трисóлнечную, Иоáнне,/ свéтлыми тя богáтящую даровáнии.

Богорóдичен: Моли́ Твоего́ Сы́на и Го́спода, Де́во Чи́стая,/ пленённым
избавле́ние от протíвнаго обстоя́ния,/ на Тя надéющимся, ми́рное
дарова́ти.

Песнь 6

Ирмо́с: Во глубинé грехóвней содержи́мь е́смь, Спа́се,/ и в пучи́не житéйстей
обурева́емь,/ но, я́коже Ио́ну от зве́ря,/ и мене́ от страсте́й возведи́ и спаси́ мя.

Я́коже обеща́лся еси́ му́дрость дарова́ти, Спа́се, Богонау́чену/ тебе́
ра́ди стоя́щим пред суди́щем мучи́телей,/ ея́же му́ченица Варва́ра
испо́лнися.

Безбо́жных лести́ изобличи́ла еси́ сло́вом Богому́дым, Варва́ро
сла́вная,/ терпе́нием же дел мучи́телей мудрова́ния удиви́ла еси́.

Ра́нам неща́дно строга́тися,/ ру́бы же власяны́ми твёрдо
востира́тися Христа́ ра́ди/ непоро́чная страстоте́рпица те́ло преда́де.

Ин святы́я

Ирмо́с: Моли́тву пролию́ ко Го́споду/ и тому́ возве́щу печа́ли моя́,/ я́ко зол душа́
моя́ испо́лнися/ и живо́т мой а́ду прибли́жися,/ и молю́ся, я́ко Ио́на:/ от тли, Бо́же,
возведи́ мя.

Моли́тву твою́ страда́льческую услы́шав, Христóс, Варва́ро,/ в
темни́це затворённую посети́,/ исцеле́ние от ран пода́де и на по́двиг
укрепи́,/ ты же моя́ ра́ны грехóвныя уврачу́й, му́ченице, молю́ся.

Моли́твою ти, и страда́льческим твёрдым терпе́нием,/ и чу́дным
исцеле́нием Иулиа́нию от злочёстия привле́кла еси́/ страда́ти с
тобо́ю за Христа́,/ привле́цы и мене́ к Го́рнему́ мудрова́нию,
страстоно́сице.

Моли́тву всяк принося́й с ве́рою тебе́, му́ченице,/ и к моща́м твои́м
святы́м притека́яй,/ душе́вных страсте́й и теле́сных исцеле́ние ско́ро
приёмлет,/ е́же и нам богáтно подава́й, мо́лимся.

Богорóдичен: Моли́тву на́шу приими́, Пречи́стая,/ и моли́твою Ти
всемóщною изба́вити нас от враг ви́димых и неви́димых,/ от грехóв
же и вся́кия му́ки моли́,/ егóже родила́ еси́, Человеколю́бца Бо́га.

Преподо́бнаго:

Просвети́вся ду́ха благода́тию,/ Божéственных и челове́ческих
знáнием веще́й я́сно обогати́вся,/ тре́бующим, Иоáнне, незави́стно
препо́дал еси́.

Подобие ликом Небесным, мудре,/ Церковь православно украсил
еси,/ ликостоянные песни приглашая Троице Боговещанные.

Богородичен: Неискусомужно, Дево, родила еси и вечноуши Дева,/ являющи истинного Божества, Сына и Бога Твоего, образы.

Кондак, глас 4: В Троице благочестно певаемому,/ последовавши
Богу, страстотерпице,/ идольская притупила еси чтителища;/ посреде
же подвига страдальчествуоти, Варваро,/ мучителей прещения не
успашилася еси, мужемудренная,/ велегласно поющи присно:/
Троицу чту, Единое Божество.

Икос: Уневестившуюся Христу мучением Варвару,/ сошедшеся,
почтим достойно:/ яко да, тоя молитвами пагубы душетленные
избавльшеся/ и губительства, труса и падѣжа, житие в мире
препроводим,/ сподобившеся со всеми святыми, от века Богу
благоугодившими,/ ходити во свете и пѣти с ними,/ удивил еси,
Спасе, твоя милости/ всем человеком, верою исповедающим:/
Троицу чтим, Единое Божество.

Песнь 7

Ирмос: Богопротивное веление беззаконнующаго мучителя/ высок пламень
вознесло есть./ Христос же простре Богочестивым отроком росу духовную,/ Сый
благословен и препрославлен.

Иже землю погубити и потребити море мучитель, суетно
свирепствуя,/ яко игралище, лежит Варвары отроковицы под
ногами:/ сего бо поправ, Христос, якоже птицу худу, связа.

Ранами нестерпимыми твоему стружему телу всему,/ обогрѣну же
кровей каплями,/ свещами, претерпѣла еси, палима по ребром,/
мученице всехвальная,/ Христа благодарящи, Варваро славная.

О, безчеловѣчнаго и немилосердаго/ мучителей суровства и
множайшаго безбожества!/ Сосцы бо мученицы, якоже в
мясосѣчнице, люте мечи отсецаху,/ ум утверждающия
Подвигоположнику Христу.

Ин святѣя

Ирмос: Отроцы еврейстии в пещи/ попраша пламень дерзновенно/ и на росу
огнь преложѣша, вопиюще:/ благословен еси, Господи Боже, во веки.

Дѣти еврейскія Ангел от огня неопальны сохранѣвый/ и тебѣ,
Варваро, нагу водѣму, от студа защитѣ,/ одеждою свѣше облѣк,
поющю:/ благословѣн еси, Господи Боже, во вѣки.

Дѣтское игральще вменяющи мѹки,/ не пощадила еси тѣла твоегѹ,/
ѣже бѣти емѹ за Христа стружему и остро стираему,
великомѹченице, поющи:/ благословѣн еси, Господи Боже, во вѣки.

Детей еврейских и аз подражая, Варваро,/ хвалю Христа, давшего
тебѣ крѣпость,/ ты же мя, на подвиг добродѣтелей укрѣплши,/
одеждою Небесною облещися сподоби во вѣки.

Богородичен: Детородиу Твоемѹ, Дѣвою и по рождествѣ пребывшу,
дивлюся, Богородице,/ удивѣ ѹбо и на мне милость Сына Твоегѹ,
да, помилован Тобою, пою:/ благословѣн Бог, ублагословѣвый Тя,
Матерь Свою, во вѣки.

Преподобнаго:

Ревностию разжигаемъ,/ богоборных ересей всякое злоумие
возразил еси свѣтлыми писании,/ убелив всем ясно древле
сеянная,/ мѹдрыми, о Иоанне, написанныя тонко.

Тѣпле обличил еси злоименных учеников Манента хульное
нечестие,/ развратити покусившееся Церковь Христова,/ словесы и
догматы твоими, о Иоанне,/ яже счинил еси.

Богородичен: Святых святѣйшую поразумеваем Тя,/ яко Едину
рождшую Бога непремѣннаго,/ Дѣво нескверная, Мати безневѣстная:/
всем бо источила еси вѣрным нетлѣние/ Божественным Рождествѹм
Твоим.

Песнь 8

Ирмос: Пещь иногда огненная в Вавилоне дѣйства разделяше/ Божіим
велѣнием, халдеи опалѣющая,/ вѣрныя же орошѣющая, поущия:/ благословите,
вся дела Господня, Господа.

Явися тебѣ Христос во Свѣте неприступнем,/ заключенней, о
Варваро, в темницѣ,/ дерзати повелевая, и раны врачуя, и радость
даруя:/ тѣмже вперилася еси твоегѹ Женихѹ рачѣнием.

Явися, Христѣ, явленно проречѣние Твое исполнено:/ отец бо чадо
на смерть предаѣт,/ самоделатель же закланія быв окайнный
родитель Твоея мѹченицы./ Тѣмже с Небесѣ огнем истребися.

А́нгел свѣтел одѣждоу световѣдноу/ тя, Христа́ ради обнаженную, честна́я Варва́ро, одѣяше,/ якоже невесту, обходящу страсти:/ одѣжди бо, мученице, совлеклася еси́, Божественное приѣмши изменѣние.

Ин святѣя

Ирмо́с: Побѣдители мучителя и пламене/ благодатию Твоею бывше,/ заповедем Твоимъ зело прилежаще,/ отроцы вопияху:/ благословите, вся дела́ Господня, Го́спода.

Победителие непобѣдимыя твоея вѣры мучителие тщащеся быти,/ сосца́ твоя нещадно отрѣзоваху,/ ты же, твёрдо терпящи, млекомъ учѣния о Бозе напоила еси́ предстоящия/ и благословящия Христа́ во вѣки.

Победи́ла еси́ му́жеством твоимъ, мученице Варва́ро, вся мучительская ухищрѣния./ моли́ ўбо Влады́ку Христа́, молимъ тя,/ всемъ вѣрнымъ на враги́ побѣду да́ти, пою́щим:/ благословите, вся дела́, Го́спода/ и превозносите его́ во вѣки.

Победительница суро́ваго отца́ твоего́ явилася еси́, мученице:/ онъ бо Небѣснымъ огнёмъ во а́дский огонь низведѣся,/ ты же на Не́бо возшла́ еси́,/ е́же и мнѣ исхо́датайствуй, от огня́ избавляющи мя во вѣки.

Богоро́дичен: Победи́, Пречистая, враговъ ви́димых и неви́димых, низложи́ти нас тща́щихся,/ и страсте́й мя всякихъ изба́ви, да пою́ торжественне:/ благословите, вся дела́, Го́спода/ и превозносите Его́ во вѣки.

Преподо́бнаго:

Обличилъ еси́ я́ве, треблаже́нне Иоа́нне,/ Несториево разделѣние, Севірово слия́ние, единовольное пребезу́мие,/ вѣру же единое́йственну/ сия́ние Правосла́вия всемъ облистáв концѣмъ.

Все́я врагъ плѣвелы обы́чно еретическія в Це́ркви Христо́ве,/ сего́ поклонѣнія отмета́тися во ико́нах честныхъ,/ но обрѣте не дре́млюща́я, всеблаже́нне Иоа́нне,/ всякое се́мя злое искореня́юща.

Богоро́дичен: Ты от Отца́ неразлучнаго, во чре́ве бо́гомужно пожившаго,/ безсе́менно зачала́ еси́ и несказáнно родила́ еси́,

Богородительнице Пречистая:/ темже Тя, спасение всех нас, исповедаем.

Песнь Богородицы: Величит душа моя Господа: <см. основной Чин>

Песнь 9

Ирмос: Безначальна Родителя Сын, Бог и Господь,/ воплощся от Девы, нам явися,/ омраченная просветити, обрати расточенная./ Тем Всепетую Богородицу величаем.

Славную имущи прияти кончину мечем, Варваро, мучения твоего,/ со Иулианиею венцев мученических сподобльшися,/ глас Божественный услышала еси,/ исполняющий моления твоя.

Твоему сочетавшийся ныне Всецарю, Жениху Христу,/ облистающийся славою, Варваро, Божественного света/ в Небесных чертозах, певцы твоя назирай,/ страстей изменяючи и приводящи живущему Богу.

Исполняя твоё прошение, Варваро страсотёрпице,/ Христос врачевания подаёт совершающим твою верою летнюю память,/ яко истинно морской песок, твоя превзыдоша благославная чудодейства.

Ин святія

Ирмос: Воистинну Богородицу,/ Тя исповедуем,/ спасеннии Тобою, Дево Чистая,/ с Безплотными лики Тя величающе.

Воистинну Бога исповедаючи, мученице,/ чертог Небесный наследила еси,/ егоже и нас сподоби,/ да с тобою Христа вечно величаем.

Воистинну на тебе, Варваро, исполнися Христово проречение:/ предаст отец чадо на смерть,/ еюже ты вечный живот обрела еси.

Воистинну никтоже, притекаяй к тебе, страстносице,/ тощ благодати твоея отходит,/ еяже и мене исполни, молюся.

Богородичен: Воистинну истинного Бога плотию, Богородице, родила еси,/ егоже милостива нам в День Суда содейлай,/ да безконечно с Ним Тя величаем.

Преподобнаго:

Научил еси вся церковныя пети сыны православно Единицу в Троице Честную,/ воплощение же Слова Божественное богословити

яве, Иоáнне,/ уясняя неудобопостѣжная мно́гим во Священных Писáниих.

Святы́х чѣны песносло́вив, преподо́бне,/ Чѣстную Богоро́дицу, Христо́ва Предтечу,/ та́же апóстолы, проро́ки с по́стники и му́дрыя учѣтели,/ пра́ведники и му́ченики,/ в тех ны́не водворя́ешия скѣ́ниих.

Богоро́дичен: Черто́г была́ еси́/ ѿже па́че ума́ воплощения Сло́ва, Де́во Богороди́тельнице,/ одѣяна сла́вою добродѣтелей и испещре́на./ Тем Тя, Всенепоро́чная, Богоро́дицу возвеща́ем.

<далее см. основной Чин>

Изменяемое №9

Свети́лен:

Я́ко шѣпок красне́йший,/ из терно́внаго израсла́ еси́ ко́рене, де́во Варва́ро,/ же́ртвою, му́ченице, священна́го страда́ния обагри́вшись кро́вию./ И ны́не Божѣ́ственную твою́ па́мь соверша́ющия любóвию спаса́й от бед.

Сла́ва и ны́не, преподо́бнаго: Я́ко Божѣ́ствен свет, о́тче наш, Це́ркви возсия́л еси́,/ пѣний твои́х сию́ свѣ́лостію облиста́в/ и свѣ́том нра́ва твоего́, ѿмже Христо́вы догма́ты явля́еши укра́шены,/ к нему́же не преста́й о нас моля́ся, Иоáнне.

<далее см. основной Чин>

Изменяемое №10

На стихо́вне стихи́ры глас 1:

Отца́ нечестѣ́ваго и ма́терь, Варва́ро, презре́вши,/ Бо́га и Вы́шний Иерусали́м возлюби́ла еси́,/ в нёмже живу́щи ны́не,/ и нам спребы́вати тебе́/ умоли́ Влады́ку Христа́.

Стих: *Дивен Бог во святы́х Свои́х,/ Бог Изра́илев.*

Ни пристра́стие роди́телей, ни сла́сти,/ ни добро́та телѣ́сная, ни бога́тство,/ ни му́ки отторго́ша тя от любве́ Зижди́теля,/ егóже нам, велико́му́ченице, ми́лостива сотвори́.

Стих: *Святы́м, ѿже су́ть на земли́ егó,/ удиви́ Господь́ вся хотѣ́ния Сво́я в них.*

В Трои́це Еди́наго Бо́га испове́дующи дерзнове́нно, Варва́ро,/ во главу́ усече́на,/ вене́ц победы́ свѣ́ше от Христа́ при́яла еси́,/ с Нѣмже ны́не ца́рствующи,/ мир всем испроси́.

Слáva, глас 2: Яко мно́гоценное мíро,/ кровь твою́ принесла́ еси́ Жениху́ Христу́,/ Варва́ро, му́ченице непобеди́мая,/ возме́здие же от него́ прияла еси́, венéц нетлénный./ Тёмже и по страда́нии твоём/ от честных мо́щей твоих/ исцелéния богáтно истекáют véрою приходя́щим и чту́щим тя,/ яже и нам неоскúдно источи́/ и моли́ спастис́я душáм нáшим.

И ны́не, Богорóдичен: Все упováние моё на Тя возлагаю́,/ Мáти Бóжия,/ сохрани́ мя под кро́вом Твоём.

Ина слáva, свята́го, глас 6: Преподо́бне óтче,/ во всю зéмлю изы́де вещáние исправлénий твоих,/ тем на Небесéх обрёл еси́ мзду́ трудо́в твоих,/ дéмонския погуби́л еси́ полки́/ и А́нгельския дости́гл еси́ чýны,/ ихже жити́ю непорóчно поревновáл еси́./ Дерзнове́ние имéя ко Христу́ Бóгу,/ мир испроси́ душáм нáшим.

И ны́не, Богорóдичен: Все упováние моё на Тя возлагаю́,/ Мáти Бóжия,/ сохрани́ мя под кро́вом Твоём.

<далее см. основной Чин>

Утром 17 декабря

Изменяемое №11

По 1-м стихослóвии седа́льны *глас 4:*

Дéвства добро́тами и мучéний кровью́ ду́шу твою́ украси́вши,/ му́ченице сла́вная Варва́ро,/ вручи́лася еси́ Созда́вшему,/ сохраня́юще тя нетлénну во век и́стинно,/ о сем ликовствую́щи с во́инства Арха́нгел и А́нгел,/ апо́стол, проро́к и му́ченик

Слáva, и ны́не, Богорóдичен: *<далее см. основной Чин>*

Изменяемое №12

По 2-м стихослóвии седа́льны *глас 4:*

Жениха́ Христа́ Кро́вию освяти́вшись, прехва́льная,/ твоёю кро́вию украси́ла еси́ плотску́ю оде́жду./ Тёмже обою́ду просвёщшись, прехва́льная Варва́ро,/ свéтлаго сподо́билася еси́ черто́га Егó./ Егóже моли́ от тли и бед изба́вится véрою творя́щим всечестну́ю па́мять твою́.

Слáva, и ны́не, Богорóдичен: *<далее см. основной Чин>*

Изменяемое №13

Тропа́рь *святы́я, глас 8:*

Варв́ару свѣтѹю почтѣм:/ вра́жия бо се́ти сокруши́/ и, я́ко птѣ́ца, избѣ́вися от них/ по́мощию и ору́жием Крестѣ́, всечестна́я.

Тропа́рь преподо́бнаго, глас 8:

Правосла́вия наста́вниче,/ благоче́стия учи́телю и чистотѣ́,/ вселѣ́нная свѣти́льниче,/ мона́шествующих Богодохнове́нное удо́брѣние, Ио́анне премѹ́дре,/ уче́ными тво́ими вся просвети́л еси́, цевни́це духо́вная,/ моли́ Христа́ Бо́га спастѣ́ся душа́м на́шим.

<далее см. основной Чин>

Изменяемое №14

На хвалѣ́тех стихи́ры:

Сти́х: Сотвори́ти в них суд на́писа́н./ Сла́ва сѣ́я бу́дет всем преподо́бным Егѡ́.

Сти́х: Хвали́те Бо́га во свѣ́тых Егѡ́,/ хвали́те Егѡ́ во утвер́жении си́лы Егѡ́.

Сти́х: Хвали́те Егѡ́ на си́лах Егѡ́,/ хвали́те Егѡ́ по мно́жеству вели́чества Егѡ́.

Глас 1: Земны́я пи́щи наслажде́ние презре́вши/ и о́тчее бога́тство,/ кѹ́пно же и сла́ву возненави́девши,/ Небе́снаго Жениха́ возлюби́ла еси́,/ Варва́ро все сла́вная:/ мечѣ́м бо во главу́ отсе́кшися,/ с му́дрыми вошла́ еси́ де́вами к Жениху́ Христу́./ Те́мже и губи́тельный недѹ́г отгоня́ющи,/ ве́рныя врачу́еши де́йством Свята́го Ду́ха/ и моли́шися непреста́нно о душа́х на́ших.

Сти́х: Хвали́те Егѡ́ во гласѣ́ тру́бнем,/ хвали́те Егѡ́ во псалти́ри и гу́слех.

Глас 2: Посрами́ся лука́вый враг,/ от жены́ побежде́н,/ я́ко прамáтерь ѿ́мѣяше де́йство ко греху́:/ от Де́вы бо вопло́щшееся Сло́во О́тчее/ непрело́жно и несме́сно,/ я́ко весть Еди́н Сам,/ кля́тву разруши́ Ё́вину и Ада́мову Христос́,/ венча́вый досто́йно Варва́ру му́ченицу/ и то́я ра́ди да́руя ми́ру очще́ние и ве́лию ми́лость.

Сти́х: Хвали́те Егѡ́ в тимпа́не и ли́це,/ хвали́те Егѡ́ во стру́нах и орга́не.

Богозва́нная му́ченица Варва́ра,/ на суди́щи стра́ждущи, глаго́лаше:/ лю́ты у́бо ны́нешния му́ки, о мучи́телие,/ но ра́достно ве́чныя жи́зни восприя́тие;/ не предпочтѹ́ же отню́д земны́х па́че Небе́сных./ Сего́ ра́ди сецы́те,/ стружи́те плѡ́ти и огню́ преда́йте мя,/ раду́ющийся, отъидѹ́ к Жениху́ моему́ Христу́./ Ея́же моли́твами, Христѣ́ Бо́же,/ ми́лости Твоя́ низпосли́/ и спаси́ ны, то́я страда́ния соверша́ющия ве́рно.

Сти́х: Хвали́те Егѡ́ в кимва́лех доброглас́ных, хвали́те Егѡ́ в кимва́лех восклицáния./ Вся́кое дыха́ние да хва́лит Го́спода.

Торжѣство днесь страсотѣрпицы Варвары,/ приидіте, людіе,
воспойм:/ тоя бо ниже меч, ниже огонь, ниже іная мука,/ ниже
многоплетѣнная велиара ловлѣния победіша./ И к ней вѣрою
возопіем:/ Христа моли, добромученице всеславная,/ даровати нам
велию милость.

Слава, глас 6: Страдальческим шествовавши путем,
прародительнаго избежала еси совета, Варваро всечестная,/ и, яко
убо дева мудра, свещу носящи,/ вошла еси во дворы Господа
твоего,/ и, яко мученица мужественна,/ благодать прияла еси целити
плотския страсти./ Но и нас, воспевающих тя,/ душевных болезней
избави/ к Богу молигвами твоими.

И ныне, Богородичен: <см. основной Чин>

Изменяемое №15

Кондак, глас 4:

В Троице благочестно певаемому/ последовавши Богу,
страсотѣрпице,/ идольская притупила еси чтیلیща,/ посреде же
подвига страдальчествуя, Варваро,/ мучителей прещения не
устрашилася еси, мужемудренная,/ велегласно поющи присно:/
Троицу чту, едино Божество.

Кондак преподобнаго, глас 4:

Песнопisca и честнаго Богоглагольника,/ Церкви наказателя и
учителя,/ и врагов сопротивоборца, Иоанна воспойм:/ оружие бо
взем, Крест Господень,/ всю отрази ересей прелесть,/ и яко теплый
предстатель к Богу,/ всем подаёт прегрешений прощение.

<далее см. основной Чин>

На Литургии

Изменяемое №20

Прокимен, глас 4: Дивен Бог во святых Своих,/ Бог Израилев. *Стих:* В
церквах благословите Бога, Господа от источник Израилевых.

Изменяемое №21

Аллилуия, глас 1: Терпя потерпех Господа и внят ми, и услыша
молитву мою.